

समे – 12:25

<><><><><>

PM-Pravasi

प्रधानमंत्री नरेन्द्र मोदी होरें अज्ज बडलै ओडिशा दे भुवनेश्वर च 18में प्रवासी भारतीय सम्मेलन दा रस्मी तौरा पर उद्घाटन कीता। कल शुरू होए दे त्रऊं दिने दे इस सम्मेलन गी संबोधत करदे होई मोदी होरें आखेआ जे भारतीय लोक दुनिया च जित्थें कुदरै बी जंदे न, उसी थाहरें गी अपना बनाई लेंदे न, पर फही बी उंदा दिल सदा भारत लेई गै धड़कदा ऐ जेह्दे चलदे उंदिएं उपलब्धिएं कन्नै मान भारत दा बी बधदा ऐ, इस मौके पर मोदी होरें प्रवासी भारतीय एक्सप्रेस रेलगड्डी गी झंडी दस्सियै रवाना कीता जेह्डी दिल्ली दे निजामुद्दीन रेलवे स्टेशन परा चली ते त्रऊं हफते तगर बक्ख—बक्ख सैलानी थाहरें तगर जाग। एह रेलगड्डी विशेष तौरा पर प्रवासी भारतीय लेई चलाई गई ऐ। इस सम्मेलन च 70 मुल्खें थमां 3 जहार कोला मते प्रतिनिधि शामिल होने लेई आए दे न।

<><><><><>

Orientatuon Camp

जम्मू कश्मीर विधानसभा दे विधायकें लेई त्रै रोजा सिखलाई ते ओरिअनटेशन प्रोग्राम अज्जै थमां विधानसभा परिसर च शुरू होई गेआ ऐ। आकाशवाणी जम्मू संवाददाता नै जानकारी दित्ती ऐ जे इस कार्यक्रम दा सरिस्ता लोकसभा सचिवालय दे PRIDE संस्थान दे सैह्योग कन्नै जम्मू कश्मीर विधानसभा सचिवालय आस्सेआ कीता गेआ ऐ। नमें चुनोए दे विधायकें गी त्रऊं दिनें दे इस कार्यक्रम दरान सदन दे कम्म करने दा तरीकें ते नियमें कायदेदे कम्म कन्ने वाकफ कराया जाग। इस दरान केई वैधानिक माहिरें कन्नै गल्लबात दे सत्र बी लग्गगंन, जेह्ड़े उनेंगी विधानसभा दे नियमें ते कम्म करने दे तौर तरीके ते बरीकिएं दे बारे च दस्सन।

<><><><><>

Jammu Srinagar Vande Bharat Train

रेल मंत्रालय नै आखेआ ऐ जे कटड़ा ते श्रीनगर बश्कार जम्मू श्रीनगर वंदे भारत एक्सप्रेस तोले गै चलना शुरू होई जाग। इस रेल गड्डी च कुल 8 डब्बे होंगन ते एह अपना सफर 3 घेंटे 10 मिनट च पूरा करी लैग। मंत्रालय नै दस्सेआ ऐ जे नमीं बनाई गेदी जम्मू रेलवे डिवीजन हेठ पोंदे बनिहाल—कटड़ा सेक्शन दे 111 किलोमीटर हिस्से दी खीरली सुरक्षा जांच दा कम्म बी शुरू होई चुके दा ऐ ते एहदे पर बी रेलगडिडएं दा चलना मगरा इस्से ब'रे शुरू होई जाग। मंत्रालय नै जानकारी दित्ती ऐ जे जम्मू रेलवे स्टेशन गी 8 प्लैटफार्मों ते होर दुइएं आधुनिक सुविधाएं कन्नै लैस करियै एहदा नमें सिरिया विस्तार कीता जा'रदा ऐ। साढ़े संवाददाता नै जानकारी दित्ती ऐ जे जम्मू श्रीनगर वंदे भारत रेलगड्डी गी एंटी फ्रीजिंग तकनीक कन्नै तैआर कीता गेदा ऐ जेहदे नै बड़ी मती ठंडू च बी एहदे च कोई परेशानी नेई औंदी।

<><><><><>श

Javed Rana

जनजातीय मामले दे मंत्री जावेद अहमद राणा होरें गुज्जर बक्करवाल होस्टले दी स्थिति दी समीक्षा लेई सिविल सचिवालय च इक बैठक सद्दी जिस दरान इनें होस्टलें च लोड़चदा अमला, साफ सफाई दी स्थिति च सुधार, डिजीटल क्लासरूम, लाइब्रेरिया ते होर दुइआं सुविधा बेहतर ढंगै सिर उपलब्ध कराने पर जोर दित्ता गेआ। मंत्री होरें आखेआ जे जनजातीय वर्गें दे लोकें दे जीवन स्तरै गी उबड़ा चुक्कने लेई केई कार्यक्रम शुरू कीते गेदे न जिंदा पूरा पूरा लाह इनें लोकें तगर पजाना जकीनी बनाया जा।

<><><><><>

Tpt Commissiober

जम्मू कश्मीर दे ट्रांसपोर्ट कमीशनर विशेष महाजन होरें जम्मू दे बख्शी नगर मैटाडोर स्टैंड पर डरैवरें दी सेहत जांच लेई इक मुफ्त कैंप दा उद्घाटन कीता। एहदा सरिस्ता मोटर गडिडएं सरबंधी मैहकमे आस्सेआ मैहकमा सेहत ते मिनी बस यूनियन दे सैहयोग कन्नै कीता गेआ जेहदे च कोई 270 डरैवरें ते कंडक्टरें दी सेहत जांच कीती गई जेहदे च उंदी नजर, खून जांच, बी.पी., शूगर ते होर दुए टैस्ट शामिल हे।

<><><><><>

Canals

जलशक्ति मैहकमे दे चीफ इंजीनियर हुंदे आस्सेआ जारी इक इतलाह मूजब जम्मू प्रांतै दिएं सब्बने सिंचाई नैहरें जिंदे च रणबीर नैहर, नमीं प्रताप नैहर ते कडुआ नैहर बी शामिल न, गी 10 जनवरी थमां जरूरी मरम्मत, रख रखाव ते सफाई दे कम्में लेई बंद कीता जा'रदा ऐ। इनें नैहरें चा गार कडिडयै साफ करने परेंत परतियै खोलेआ जाग। नैहरें गी परतियै चालू करने दी तरीकें दा ऐलान मगरा कीता जाग।

<><><><><><>

NSS Volunteers

भारत सरकार दे युवा मामले ते खेड्ड मंत्रालय आस्सेआ जम्मू कश्मीर सरकार दे उच्च शिक्षा विभाग दे सैहयोग कन्नै जम्मू च आयोजित राष्ट्रीय एकता कैप च हिस्सा लै करदे एनएसएस दे कोई 200 स्वयंसेविएं जम्मू दे कला केन्द्र दा दौरा कीता। इस कैप च मुख्यै दे 20 बक्ख-बक्ख राज्यें थमां 25 प्रोग्राम अफसर ते एनएसएस वर्लाटअरें दियां 18 टीमां हिस्सा लै करदियां न। आकाशवाणी दे जम्मू संवाददाता नै जानकारी दित्ती ऐ जे कला केन्द्र दौरे दा मकसद मुख्यै भरै थमां आए दे एनएसएस दे स्वयंसेविएं गी जम्मू कश्मीर दी रिवायती कलाएं ते परम्पराएं कन्नै वाकफ होए दे इस कैप दा विषय सार "महिला शक्ति" रखेआ गेदा ऐ। इस दोरे दरान कला केन्द्र सोसायटी दे सचिव डॉ. जावेद राही होरें सब्बने दा सुआगत कीता ते उनेंगी इत्थूं दिएं कलाएं ते सांस्कृतिक विरसे दे कन्नो कन्नी केई टकोहदी रिवायतें दे बारे च बी जानकारी सांझी कीती।

<><><><><><>

DEO Jammu

जम्मू दे जिला चुनां अधिकारी सचिन कुमार वैश्य होरें भगवती नगर च ईवीएम, वीवीपीएटी वेयर हाउस दे निर्माण दा जायजा लैता। एह सुविधा अपनी चाल्ली दी पैहली पैहली ऐ। इस मौके पर मुत्तलका अफसरें कन्नै गल्ल करदे होई डीईओ होरें उनेंगी सारे कम्म समें सिर सबूरे करने ते म्यार बनाई रखने पर जोर पाया। इस दरान आईटी निदेशक, डीआईओ संजीव कपूर हुंदे सनें होर दुए वरिष्ठ अधिकारी बी उत्थें मजूद हे।

<><><><><><>

Cricket

13 पुलस शहीद यादगारी नार्थ जोन टी-20 क्रिकेट चैंपियनशिप कठुआ दे खेड्ड स्टेडियम च सम्पन्न होई गई। जम्मू जोन दे अतिरिक्त पुलस महानिदेशक आनंद जैन इस मौके मुख्य परौहने ते जम्मू सांबा कठुआ रेंज दे डीआईजी शिव कुमार शर्मा मानयोग परौहने दे तौरा पर मजूद हे। फाइनल मकाबले च हिल्ल व्यू राजौरी नै वर्मा स्पोर्ट्स क्लब लुधियाना गी 47 रंज कन्नै हराइयै खताब अपने नां कीता।

<><><><><><>